

水經注卷三十九



漢 桑 欽 撰

後魏 酈 道 元 注

匯水 深水 鍾水 耒水

涑水 澆水 澗水 澗水

贛水 廬水

匯水出桂陽縣廬聚

水出桂陽縣西北上驛山廬溪為廬溪水東南流

逕桂陽縣故城謂之匯水地理志曰匯水出桂陽

水經注 卷三十九 一

南至四會是也匯水又東南流出桂陽南至四會

是嶠之溪溪水下流歷峽南出是峽謂之貞女峽

峽西岸高巖名貞女山山下際有石如人形高七

尺狀如女子故名貞女峽古來相傳有數女取螺

於此遇風雨晝晦忽化為石斯誠巨異難以聞信

但啓生石中摯呱空桑抑斯類矣物之變化寧以

理求乎隨巢子淮南子並云禹娶塗山之氏而治鴻至

嵩高山下有化氏女子採桑得我兒於空桑之中命

尹呂伊 溪水又合涇水涇水又東南入陽山縣右合

漣口水源出縣西北一百一十里石塘村村之流水側有豫章木本逕可二丈其株根猶存伐之積載而斧跡若新羽族飛翔不息其傍衆枝飛散遠集鄉亦不測所如唯見一枝獨在含漣水矣漣水東南流注于漣漣水又東南流而又與斟水合水導源近出東巖下穴口若井一日之中十溢十竭信若潮流而注漣水漣水又南逕漢志桂陽郡有含漣二字縣故城西耆舊傳曰徃昔縣長臨縣輒遷擢超級大史逕觀言摯摯當作字似誤使然掘斷連岡

水經注

卷三十九

二

流血成川城因傾阬遂卽傾敗閣下大鼓飛上臨武乃之桂陽追號聖鼓自陽山達乎桂陽之武步驛所至循聖鼓道也其道如塹迄于鼓城矣漣水又逕陽山縣南縣故含漣縣之桃鄉孫皓分立爲縣也漣水又南東流也

東南過含漣縣

應劭曰漣水東北入沅瓚注漢書沅在武陵去漣遠又隔湘水不得入沅漣水東南左合翁水水出東北利山湖湖水廣圓五里潔踰凡水西南流注

鍾云鼓枝西陽雜俎作鼓杖蒿撞作蒿觸皆引用此文者想當時有有此善本耳校書考誤有出本書外者當知之譚云余意古人引書每以己意改掉如孟子引詩書多如此不得執孟移經此又可爲校書信別本之戒

于涯謂之翁水口口已下東岸有聖鼓枝即陽山之鼓枝也橫在川側雖衝波所激未嘗移動百鳥翔鳴莫有萃者舩人上下以蒿種者當作以篙撞者輒有瘡疾涯水又東南左合陶水東出堯山山盤紆數百里有赭崑迭起冠以青林與雲霞亂采山上有白石英山下有平陵有大堂基耆舊云堯行宮所陶水西逕縣北右注涯水涯水又逕含涯縣西王歆始興記曰縣有白鹿城城南有白鹿岡咸康中郡民張魴爲縣有善政白鹿來游故城及岡並即水經注

卷三十九

三

名焉

南出涯浦關爲桂水

關在中宿縣涯水出關右合溱水謂之涯口山海經謂之湟水徐廣曰湟水一名涯水出桂陽通四會亦曰灌水也漢武帝元鼎元年路博德爲伏波將軍征南越出桂陽下湟水即此水矣桂水其別名也

深水出桂陽盧聚

呂忱曰深水一名邃水導源盧溪西入營水亂流

營波同注湘津許慎云深水出桂陽南平縣也經書桂陽者縣也本隸桂陽郡後割屬始興縣有盧溪盧聚山在南平縣之南九疑山東也

西北過零陵營道縣南又西北過營浦縣南又西北過泉陵縣西北七里至燕室邪入于湘

水上有燕室丘亦因爲聚名也其下水深不測號曰龍泉

鍾水出桂陽南平縣部山北過其縣東又東北過宋渚亭又北過鍾亭與雞水合

水經注

卷三十九

四

部山卽部龍之嶠也五嶺之第三嶺也鍾水卽嶠水也庾仲初曰嶠水南入始興灌水注于海北入桂陽湘水注于江是也雞水卽桂水也雞桂聲相近故字隨讀變經仍其非矣桂水出桂陽縣北界山山壁高聳三面特峻石泉懸注瀑布而下北逕南平縣而東北流屈鍾亭右會鍾水通爲桂水也故應劭曰桂水出桂陽東北入湘

又北過魏寧縣之東又東北入于湘

魏寧故陽安也晉太康元年改曰晉寧縣在桂陽

郡東二白二十里縣南西二面岨帶清溪桂水無出縣東理蓋縣邑流移今古不同故也

未水山桂陽郴縣南山

未水發源出汝城縣東烏龍白驕山西北流逕其縣北西流三十里中有十四瀨各數百步濬流奔急竹節相次亦爲行旅滂涉之艱難也又西北逕晉寧縣北又西左合清溪水口水出縣東黃皮山西南流歷縣南又西北注于未水汝縣在郡東三百里餘山又在縣東未水無出南山理也

水經注

卷三十九

五

又北過其縣之西

縣有綠水出縣東侯公山西北流而南屈注于未謂之程鄉溪郡置酒官醞於山下名曰程酒獻同鄙也未水又西黃水注之水出縣西黃岑山山則騎田之嶠五嶺之第二嶺也黃水東北流案盛弘之云衆山水出注于大溪號曰橫流溪溪水甚小冬夏不乾俗亦謂之爲貪泉飲者輒冒於財賄同於廣州石門貪流矣廉介爲二千石則不飲之昔吳隱之挹而不辭貪豈謂能汙其真乎蓋亦惡其

□□人有氣  
方不止自信  
此解其妙

名也劉澄之謂為一涯溪通四會殊為孟浪而不得

悉也庾仲初云嶠水南入始興溱水注海即黃岑

水入武溪者也北水入桂陽湘水注于大江即是

水也又側千秋水注之水出西南萬歲山山有石

室室中有鍾乳山上悉生靈壽木溪下即于秋水

也水側民居號萬歲村其水下合黃水黃水又東

北逕其縣東右合除泉水水出縣南湘陂村村有

圓水廣圓可二百步一邊暖一邊冷冷處極清綠

淺則見石深則見底暖處水白且濁玄素既殊涼

水經注

卷三十九

六

暖亦異厥名除泉其猶江乘之半湯泉也水盛則

瀉黃溪水耗則津涇輟流郴舊縣也桂陽郡治也

漢高帝二年分長沙置地理志曰桂水所出因以

名也王莽更名南平縣曰宣風項羽遷義帝所築

也縣南有義帝冢內有白虎因呼為白虎郡東觀

漢記曰茨充字子何為桂陽太守民情懶少鹿當作

躡履足多剖裂茨教作履今江南知織履皆充之

教也齊民要術云茨充為桂陽令俗不種桑無少

麓履足多剖裂血出盛冬皆焚燎之間大教賴其利

鍾云用字古甚

黃溪東有馬嶺山，高六百餘丈，廣圓四十許里。漢末有郡民蘇耽，栖遊此山。桂陽列僊傳云：耽，郴縣人，少孤，養母至孝。言語虛無，時人謂之癡。常與眾兒共牧牛，更直為帥。錄牛無散，每至耽為帥，牛輒徘徊左右，不逐自還。眾兒曰：汝直牛，何道不走耶？耽曰：非汝曹所知。即面辭母云：受性應僊，當違供養。涕泗又曰：年將大疫，死者略半，穿二井飲水，可得無恙。如有哭聲甚哀，後見耽乘白馬還此山中，百姓為立壇祠。民安歲登，民因名為馬嶺山。無

水經注

卷三十九

七

以下有略半家，按洞神傳云：耽初去時，云今年大疫，死者略半。

譚云外此纔口至孝應

元吉，母年百餘歲，終鄉人，共葬之。聞後州有北人哭聲，服除，乃止。神仙傳云：耽，母既終，葬後州有北人哭。

見脾山，紫雲蓋上，有遂改牛脾山，為白馬嶺。因黃水。

又北流注于耒水，謂之榔口。耒水又西逕華山之陰，亦曰華石山。孤峯特聳，枕帶雙流。東則黃溪，耒水之交會也。耒水東流，澗注不得北過其縣西也。兩岸連山，石泉懸溜，行者輒徘徊，留念情不極已也。

又北過便縣之西

縣故惠帝封長沙王子吳淺爲侯國王莽之便屏也縣界有溫泉水在郴縣之西北左右有田數十畝資之以溉常以十二月下種明年三月穀熟度此水冷不能生苗溫水所溉年可三登其餘波散流入于耒水也

又西北過耒陽縣之東

耒陽舊縣也蓋因水以制名王莽更名南平亭東傍耒水水東肥南有郡故城縣有漢水東出侯計山其水清澈冬溫夏冷西流謂之肥川川之北石

水經注

卷三十九

八

盧塘塘池八頃其深不測有大魚常至五月輒一奮躍水湧數丈波襄四陸細魚奔迸隨水登岬不可勝計又云大魚將欲鼓作諸魚皆浮聚水側注西北逕蔡洲洲西卽蔡倫故宅傍有蔡子池倫漢黃門郎順帝之世擣故魚網爲紙用代簡素自其始也

又北過酃縣東

縣有酃湖湖中有洲洲上民居彼人資以給釀酒甚醇美謂之酃酒歲常貢之湖邊尚有酃縣故治

□云以網造  
紙與上意魚  
□有情



此西北去臨承縣一十五里從省隸十三州志曰  
大別水南出耒陽縣太山北至鄱縣入湖也  
北入于湘

耒水西北至臨承縣而右注湘水謂之耒口也  
洑水出茶陵縣上鄉西北過其縣西

水出江州安城郡廣興縣太平山西北流逕茶陵  
縣之南漢武帝元朔四年封長沙定王子節侯訢  
之邑也王莽更名聲鄉矣洑水又屈而過其縣西  
北流注也地理志謂之泥水者也

水經注

卷三十九

九

又西北過攸縣南

攸水出東南安城郡安復縣封侯山西北流逕其  
縣北縣北帶攸溪蓋卽溪以名縣也漢武帝元朔  
四年封長沙定王子則爲攸興侯卽地理志所謂  
攸縣者也攸水又西南流入茶陵縣入于洑水也  
又西北過陰山縣南

縣本陽山縣也縣東北猶有陽山故城卽長沙孝  
王子宗之邑也言其勢王故塹山堙谷改曰陰山  
縣縣上有容水自侯曇山下注洑水謂之容口洑

鍾云說得神  
汕一往深情  
朱云數語寫  
仙人蹤跡甚  
遠

□云歌曠甚  
□甚後四句  
□□□感  
□王悲來使  
□學仙之根  
木云心脚蹶  
二子許多感  
慨下六字更  
不堪讀神仙  
亦有此恨耶  
□喚醒世人

水又西北逕其縣東又西逕歷口縣有歷水水有  
大穴容一百石出於此水因以名曰容水下注泚  
水謂之歷口泚水又西北與洋湖水會水出縣西  
北樂藪罌下洋湖湖去罌七里湖水下注泚謂之  
洋湖口泚水東北有峩山縣東北又有武陽龍尾  
山並僊者羽化之處上有僊人及龍馬跡於其處  
得遺咏雖神栖白雲屬想芳流藉念泉鄉遺味在  
茲覽其餘誦依然息遠匪直邈想霞蹤愛其文咏  
可念故端牘抽札以詮其咏其略曰登武陽觀樂

語態矜莊得妙

水經注

卷三十九

十

藪峩嶺千蕤洋湖口命蜚螭駕白駒臨天水心脚  
蹶千載後不知如蓋勝賞神鄉秀情超拔矣

又西北入于湘

漉水出醴陵縣東鹿山西過其縣南

醴陵縣高后四年封長沙相侯越為國縣南臨淥  
水水東出安城鄉翁陵山余謂漉淥相近後人藉  
便以淥為稱雖翁陵名異而即麓是同

屈從縣西西北流至漉浦注入于湘

瀏水出臨湘縣東南瀏陽縣西北過其縣東北與潞

溪水合

瀏水出縣東江州豫章縣首裨山導源西北流逕其縣南縣馮溪以即名也又西北注于臨湘縣也西入于湘

澗水出豫章艾縣

春秋左氏傳曰吳公子慶忌諫夫差不納居于艾是也王莽更名治翰

西過長沙羅縣西

羅子自枝江徙此世猶謂之為羅侯澗水又西流

水經注

卷三十九

十一

積而為陂謂之町湖也

又西累石山入于湘水

累石山在北亦謂之五木山山方尖如五木狀故

俗人藉以名之

五木者樗蒲之戲也李翱作五木雉背

雉作牛注云樗蒲古戲其投山在羅口北澗水又

在羅水南流注于湘謂之東町口者也

贛水出豫章南野縣西北過贛縣東

山海經曰贛水出聶都山東北流注于江入彭澤西也班固稱南野縣彭水所發東入湖漢水庾仲

初謂大庾嶠水北入豫章注于江者也地理志曰  
豫章水出贛縣西南而北入江蓋控引衆流總成  
一川雖稱謂有殊言歸一水矣故後漢郡國志曰  
贛有豫章水雷次宗云似因此水爲其地名雖十  
川均流而此源最遠故濁受名焉十川者贛廬鄱僚

循是爲十此源謂贛水也九水俱入于贛水諸本作北源誤 劉澄之曰縣東南

有章水西有貢水西是爲謬也縣治二水之間二  
水合贛字因以名縣焉劉氏專以字說水而不知  
遠失其水實矣豫章水導源東北流逕南野縣北

水經注

卷三十九

十二

贛川石岨水急行難傾波委注六十餘里逕贛縣  
東縣卽南康郡治晉太康五年分廬江立豫章水  
右會湖漢水水出雩都縣導源西北流逕金雞石  
其石孤竦臨水耆老云時見金雞出于石上故石  
取名焉湖漢水又西北逕贛縣東西入豫章水也  
又西北過廬陵縣西

廬陵縣卽王莽之桓亭也十三州志曰稱廬水西  
出長沙安復縣安復當作安成漢地志長湖漢武

帝元光六年封長沙定王子劉蒼爲侯國卽王莽

之用成也吳寶鼎中立以為安城郡東至廬陵入湖漢水也

又東北過石陽縣西

漢和帝永平九年分廬陵立漢獻帝初平興一作二

年吳長沙桓王立廬陵郡治此豫章水又逕其郡

南城中有井其水色半清半黃黃者如灰汁取作

飲粥悉皆金色而甚芬香異物志云廬陵城中有

半黃黃者灰汁取作糜粥皆作金色土人名灰汁為金因名為金井

又東北過漢平縣南又東北過新淦縣西

水經注 卷三十九 十三

牽水西逕宋本宜春縣漢武帝元光六年封長沙

定王子劉成為侯國王莽之循曉也牽水又東逕

吳平縣舊漢平也晉太康元年改為吳平矣牽水

又東逕新淦縣即王莽之偶亭而注于豫章水湖

漢及贛並通稱也又淦水出其縣下注于贛水

又北過南昌縣西

盱水出南宮縣西北流逕南昌縣南西注贛水又

有濁水注之南宮當作南昌城按漢志南建成縣注盱

云蜀水東至水出康樂縣故陽樂也濁水又東逕

南昌入湖漢

譚云此又竒於除泉且如口汁者反佳又竒

□云此三太守  
真好事然  
其名因此不  
朽乃知種松

□碑立亭皆  
□計也  
□如意孺  
□歷歷不  
□又復詳其  
□古人愛  
□清見  
□爾綿

望蔡縣縣因汝南上蔡民萍居此土晉太康元年  
改爲望蔡縣濁水又東逕建成縣漢武帝元光四  
年封長沙定王子劉拾爲侯國王莽更名之曰多  
聚也縣出然石異物志曰石色黃白而理疎以水  
灌之便熱以鼎著其上炊足以熟置之則冷灌之  
則熱如此無窮元康中雷孔章入洛賫石以示張  
公張公曰此謂然石於是乃知其名濁水又東至  
南昌縣東流入于贛水贛水又歷白社西有徐孺  
子墓吳嘉禾中太守長沙徐熙於墓隧種松太守  
水經注 卷三十九 十四

南陽謝景於墓側立碑永安中太守梁郡夏侯嵩  
於碑傍立思賢亭松大合抱亭世修治至今謂之  
聘君亭也贛水又北歷南塘塘之東有孺子宅際  
湖南小洲上孺子名稚南昌人高尚不仕太尉黃  
瓊辟不就桓帝問尚書令陳蕃徐稚袁閎誰爲先  
後蕃荅稱袁生公族不鏤自雕至於徐稚傑出薄  
域故宜爲先桓帝備禮徵之不至太原郭林宗有  
母憂稚往弔之置生芻於廬前而去衆不知其故  
林宗曰必孺子也詩云生芻一束其人如玉吾無

德以堪之年七十二卒贛水又逕谷鹿州舊作大

陂處北堂書鈔云豫章城西南有陂處按此谷鹿

雅洲陂即句鹿之音鈎也鹿贛水又北逕南昌縣城西於

春秋屬楚即令尹子蕩師于豫章者也秦以為廬

江南部漢高祖六年始命灌嬰以為豫章郡治此

即灌嬰所築也王莽更名縣曰宜善郡曰九江焉

劉歆云湖漢等九水入彭蠡故言九江矣陳蕃為

太守署徐稚為功曹蕃在郡不接賓客唯稚來特

設一榻去則懸之此即懸榻處也建安中更名西

水經注

卷三十九

十五

安晉又名為豫章城之南門曰松陽門門內有樟

樹高七丈五尺大二十五圍枝葉扶疎垂蔭數畝

應劭漢官儀曰豫章郡樹生庭中故以名郡矣此

樹嘗中枯逮晉永嘉中一旦更茂豐蔚如初咸以

為中字之祥也禮斗威儀曰君政訟平豫章常為

生太興中元皇果興大業於南故郭景純南郊賦

云弊樟擢秀於祖邑是也以宣王祖為豫章故也

贛水北出際西北歷度支步是晉度支校尉立府

處步即水渚也贛水又逕郡北為津步步有故守

賈萌廟萌與安侯張普爭地為普所害即日靈見

津渚故民為立廟焉為太平御覽引安成侯張普

爭境為豫章太守王莽纂漢舉兵誅莽不克而死水

之西岸有盤石謂之石頭津步之處也西行二十

里曰散原山原二十卷內有云勢同厭疊嶂四周

杳邃有趣晉隆安未沙門竺曇顯建精舍於山南

僧徒自遠而至者相繼焉西北五六里有洪井飛

流懸注其深無底舊說洪岸先生之井也北五六

里有風雨池言山高瀨激激著樹木宋本無此二字

水經注 卷三十九 十六

霏散遠灑若雨御覽引豫章記云去洪井六七里

散遠灑如風雨焉西有鸞岡洪崖先生乘鸞所憩泊也岡

西有鵠嶺云王子喬控鶴所逕過也有二崖似當作峰

號曰大蕭小蕭言蕭史所遊萃處也雷次宗云此

乃繫風捕影之論據實本所未辯聊記奇聞以廣

井魚之聽矣又按謝莊詩莊常遊豫章觀井賦詩

言鸞岡四周有水謂之鸞陂似非虛論矣東太湖

十里二百二十六步北與城齊南緣迴折至南塘

水通人江增減與江水同漢永元中太守張躬築

朱云此等景色唐人受用不盡

譚云聚湊亦



□□□事  
□□□山  
□□□鮮  
□□沙者

塘以通南路兼遏此水冬夏不增減水至清深魚甚肥美每於夏月江水溢塘而過民居多被水害至宋景平元年太守蔡君西起隄開塘爲水門水盛則閉之內多則洩之自是居民少患矣贛水又東北逕王步步側有城云是孫奮爲齊王鎮此城之渚今謂之王步蓋齊王之渚步也郡東南二十餘里又有一城號曰齊王城築道相通蓋其離宮也贛水又北逕南昌左尉廡西漢成帝時九江梅福爲南昌尉居此後福一旦捨妻子去九江傳云水經注

卷三十九

十七

得僊贛水又北逕龍沙西沙甚潔白高峻而陔有龍形連亘五里中舊俗九月九日登高處也昔有人於此沙得故冢刻塼題云西去江七里半筮言其吉卜言其凶而今此冢垂沒於水所謂筮短龜長也贛水又逕椒丘城下建安四年孫策所築也贛水又歷釣圻邸閣下度支校尉治太尉陶侃移置此也舊夏月邸閣前洲沒去浦遠景平元年校尉豫章因運出之力於渚次聚石爲洲長六十餘丈洲裏可容數十舫贛水又北逕鄴陽縣王莽之

譚云以情名  
口僅見於此

豫章縣也餘水注之水東出餘汗縣王莽名之曰  
治于也餘水北至鄴陽縣注贛水贛水又與鄱水  
合水出鄱陽縣東西逕其縣南武陽鄉也地有黃  
金可采王莽改曰鄉亭孫權以建安十五年分爲  
鄱陽郡水又西流注于贛又有僚水入焉其水導  
源建昌縣漢元帝永光二年分海昏立僚水東逕  
新吳縣漢中平中立僚水又逕海昏縣王莽更名  
宜生謂之上僚水又謂之海昏江分爲二水縣東  
津上有亭爲濟渡之要其水東北逕昌邑而東出  
水經注



卷三十九

豫章大江謂之慨口昔漢昌邑王之封海昏也每  
乘流東望輒憤慨而還世因名焉其一水枝分別  
注入于循水也

又北過彭澤縣西

循水出艾縣而東北逕豫章寧縣故西安也

漢地理志

豫章艾縣有修水東北入湖此注作循誤也 晉太康元年更從今名循

水又東北逕永循縣漢靈帝中平二年立循水又  
東北注贛水其水總納十川同湊一瀆俱注于彭  
蠡也

北入于江

大江南贛水總納洪流東西四十里而清潭遠漲  
綠波凝淨而會注于江川

廬江水出三天子都北過彭澤縣西北入于江

山海經三天子都一曰天子鄩王彪之廬山賦敘

曰廬山彭澤之山也雖非五嶽之數穹窿嗟峩實

峻極之名山也孫放廬山賦曰尋陽郡南有廬山

九江之鎮也臨彭蠡之澤按宋本接平敞之原山圖

曰山四方周四百餘里疊鄩之巖萬仞懷靈抱異

水經注 卷三十九 十九

□云仙却名

苞諸僊迹豫章舊志曰廬俗字君孝本性匡父東

野王共鄩陽令吳芮佐漢定天下而亡漢封俗於

鄩陽曰越廬君俗兄弟七人皆好道術遂寓精於

洞庭之山故世謂之廬山漢武帝南巡覩山以為

神靈封俗大明公庭御覽引此注云遂寓精爽於宮

神靈封俗大明公遠法師廬山記曰殷周之際匡俗先生

奚道僊人共遊此山時人謂其所止為神僊之廬

因以名山矣又按周景式曰廬山匡俗字子孝本

東里子出周武王時生而神靈屢逃徵聘廬於□

□□□說不  
□□□□□

譚云二證三  
情翻駁已極  
又留此一段  
作尾聲文情  
始變而不積

山時人敬事之俗後僊化空廬猶存弟子覩室悲  
哀哭之且暮同烏號世稱廬君故山取號焉斯耳  
傳之談非實證也故豫章記以廬爲姓因廬以氏  
周氏遠師或託廬墓爲辭假憑虛以託稱二證旣  
違三情互爽按山海經創志大禹記錄遠矣故海  
內東經曰廬江出三天子都入江彭澤西是曰廬  
江之名山水相依互舉殊稱明不因匡俗始正是  
好事君子強引此類用成章句耳又按張華博物  
志曹著傳其神自云姓徐受封廬山後吳猛經過

水經注

卷三十九

二十

山神迎猛猛語曰君王此山近六百年符命已盡  
不宜久居非據猛又贈詩云仰矚列僊館俯察王  
神宅曠載暢幽懷傾蓋付三益此乃神道之事亦  
有換轉理難詳矣吳猛隱山得道者也尋陽記曰  
廬山上有三石梁長數十丈廣不盈尺杳然無底  
吳猛將弟子登山過此梁見一翁坐桂樹下以玉  
杯承甘露漿與猛又至一處見數人爲猛設玉膏  
猛弟子竊一寶欲以來示世人梁卽化如指猛使  
送寶還手牽弟子令閉眼相引而過其山川明淨

譚云□事接語無痕便如弟子開眼見此景者妙妙層層述證更有味

朱云廬山諸道人遊石門序多俊語姑摘其文以補注之遺□□

□大嶺體絕□□□文石□□煥若披□檉松芳草蔚然光目如霄霧塵集則高象隱形流

□□則眾□□如會□□王□□□如□□□所有已□□□見□之

譚云宮庭廟二字皆宮室作號甚奇

□□□□□□□□□□

風澤清曠氣爽節和土沃民逸嘉遯之士繼響□

巖龍潛鳳采之賢往者忘歸矣秦始皇漢武帝及

太史公司馬遷咸升其巖望九江而眺鍾彭焉廬

山之北有石門水出嶺端有雙石高竦其狀若

門因有石門之目焉水導雙石之中懸流飛瀑御覽

引此作澍近三百許步下散漫千數步上望之連天若

曳飛練於霄中矣下有磐石可坐數十人冠軍將

軍劉敬宣每登陟焉其水歷澗逕龍泉精舍南太

元中沙門釋慧遠所建也其水下入江南嶺卽彭

水經注 卷三十九 二十一

蠡澤西天子鄣也峯磴險峻人跡罕及晉廬山諸道人遊石

大門嶺詩序絕衆阜闢三精舍南十餘里而一障山基連

一曠其實上蒙地形表於自觀皆然故之以爲俗而未覩者衆

迴將由懸瀨險峻人獸迹絕逕嶺南有大道順山而

下有若畫焉傳云匡先生所遊舊本至江道巖上

有宮殿故基者三以次而上最上者極於山峯山

下又有神廟號曰宮亭廟故彭湖亦有宮亭之稱

焉余按爾雅云大山曰宮宮之爲名蓋起於此不

必一由三宮也山廟甚神能分風擘流住舟遣使

□引曹詩反  
覺味薄

譚云情更難  
於投壁義更  
正於縛兒

行旅之人過必敬祀而後得去故曹毗詠云分風  
爲貳擘流爲兩昔吳郡太守張公直自守徵還道  
由廬山子女觀祠婢指女戲妃像人其妻夜夢致  
聘怖而遽發明引中流而船不行合船驚懼曰愛  
一女而合門受禍也公直有此不忍不忍更見義處遂令妻下女於江  
其妻布席水上以其亡兄女代之而船得進公直  
方知兄女怒妻曰吾何面於當世也復下已女於  
水中將渡逕見二女於岸側傍有一吏立曰吾廬  
君主簿敬君之義悉還二女故于寶書之於感應  
水經注

卷三十九

二十二

焉山東有石鏡照水之所出有一圓石懸崖明淨  
照見入形晨光初曜則延四字深妙曜入石豪細必察故名  
石鏡焉又有二泉常懸注若白雲帶山廬山記曰  
白水在黃龍南卽瀑布也水出山腹挂流三四百  
丈飛湍林表望若懸素注處悉巨井其深不測其  
水下入江淵廬山之南有上霄石高壁緬然與霄  
漢連接秦始皇三十六年嘆斯嶽遠遂記爲上雷  
焉上霄之南大禹此事頗僻刻石誌其丈尺里數今猶得刻  
石之號焉湖中有落星石周廻百餘步高五丈上

生竹木傳曰有星墜此因以名焉又有孤石介立  
大湖中周廻一里竦立百丈轟然高峻特爲瓌異  
上生林木而飛禽罕集言其上有玉膏可采所未  
詳也耆舊云昔禹治洪水至此刻石紀功或言秦  
始皇所勒然歲月已久莫能辨之也